



Kvinnherad kommune  
Rosendalsvegen 10  
5470 ROSENDAL

Saksbehandlar, innvalstelefon

Anne Vibeke Barkved, 5764 3117

## Tildelingsbrev - stimuleringsmidlar til eigeninitiert utviklingsprosjekt

Vi viser til søknad frå dykk av 01.06.2023.

Tilskotsordninga er ein del av kompetansestrategien for det kommunale barnevernet, og skal medverke til å stimulere til teneste- og tiltaksutvikling i kommunane for styrke oppfølginga av utsette barn og familiane deira. I 2023 har Statsforvaltaren i Vestland kr 1 445 026,- i tilskotsmidlar til disposisjon til å støtte kommunane sine eigeninitierte utviklingsprosjekt som er forankra i kommunale læringsnettverk.

Kvinnherad som vertskommune søker i samarbeid med Ullensvang kommune som kr 550 000,- til frikjøp av prosjektkoordinator og medarbeidar for vidareføring av prosjektet «*Kompetanseløft – vald og seksuelle overgrep*». Det går fram av søknaden at de har avtale om samarbeid med RVTs Vest, Krisesenter Vest, Statens barnehus og Kvinnherad politistasjon. Føremålet med prosjektet er å auke kompetansen til barn og unge, og til tilsette som møter barn og unge, om vald og seksuelle overgrep. Vidare er føremålet å ha gode hjelpetiltak når det vert avdekka vald og seksuelle overgrep mot barn og unge.

De starta opp prosjektet i 2020 og fekk tildelt 481 830,- i stimuleringsmidlar, jamfør brev av 20.11.2020. De søkte om nye stimuleringsmidlar våren 2021, og fekk tildelt 505 000,- jamfør brev av 22.06.2021. I 2022 fekk de tildelt kr 500 000,- i stimuleringsmidlar, jamfør brev av 23.06.2022.

De skriv at de har kome godt i gang med prosjektet, og at de har fått på plass rutinar og modellar. De søker om meir midlar for å drive vidare ei ressursgruppe som skal jobbe med å forankre prosjektet i kommunal leiding og administrasjon, og at de i tida framover vil rette merksemda mot siste del av prosjektet som er å sikre at kommunane har gode tiltak å sette inn, når barn eller unge vert utsett for vald eller overgrep. Statsforvaltaren si vurdering er at de har grunngjeve behovet for vidareføring av dette utviklingsarbeidet godt. Vi vurderer at prosjektet de søker om midlar til stettar dei vilkåra som Barne- ungdoms- og familiedirektoratet har sett for tilskotsmidlane.



**Statsforvaltaren i Vestland løyver med dette kr 325 026,-** til utviklingsprosjektet «*Kompetanseløft – vald og seksuelle overgrep*». Vi vil betale ut pengane etter vi har motteke vedlagte skjema for stadfesting på at de aksepterer de kriteria for løyvinga som kjem fram i dette brevet. Stadfestinga (vedlegg 1) må de sende til Statsforvaltaren **innan 01.08.2023** merka med referansenummeret vårt **2023/210**.

Løyvinga skal de nytte delfinansiering av prosjektkoordinator og prosjektmedarbeidar. Vi har redusert løyvingar, då vi har mottatt søknader for eit større beløp enn vi har til rådighet. Vi har også vektlagt at dette prosjektet søker om tilskot for fjerde gong, og at søkarkommunane også har fått tilskot til andre prosjekt. Vi meiner at kommunane no må legge inn ein større eigeninnsats med mål om å integrere arbeidet i den ordinære drifta.

De kan ikkje nytte dei tildelte midlane til andre føremål. Dersom de ønskjer å omdisponere tilskotet innafor same føremål, må de avklare dette skriftleg med Statsforvaltaren på førehand.

Tilskotet må nyttast innan utgangen av 2024. Dersom løyvingane ikkje kan nyttast etter føresetnadane, skal de betale pengane attende til Statsforvaltaren. Statsforvaltaren, Barne,- ungdoms- og familiedirektoratet og Riksrevisjonen kan i samsvar med reglane i det statlege løyvingsreglementet kontrollere at løyvinga vert nytta etter føresetnadane.

Revisorattestert rekneskap, rapport om prosjektet og bruken av pengane skal de sende til Statsforvaltaren **innan 01.02.2025**. Rekneskapan må de setje opp på ein slik måte at Statsforvaltaren kan kontrollere at løyvinga er nytta i tråd med føresetnadane.

Svar på dette brevet skal de sende til vårt postmottak: [sfvlpost@statsforvalteren.no](mailto:sfvlpost@statsforvalteren.no)

Praktiske spørsmål knytt til prosjektet kan de sende til kontaktperson hjå Statsforvaltaren: Bente Cecilie Foss, på e-post: [bente.foss@statsforvalteren.no](mailto:bente.foss@statsforvalteren.no)

Med helsing

Øystein Breirem Jacobsen  
seksjonsleiar

Anne Vibeke Barkved  
seniorrådgjevar

*Dokumentet er elektronisk godkjent*

Kopi til:

Ullensvang kommune

Opheimsgt. 31

5750

ODDA